

ORIENTERINGSNOTAT

Til: Alver formannskap – møte 11. mars 2021

Frå: Rådmannen

Dato: 02.03.21

Tema: Interkommunal plan for sjøareal

Bakgrunn:

Kommunane Alver, Austrheim, Fedje, Gulen, Masfjorden, Modalen, Osterøy og Vaksdal har i fellesskap starta prosessen med å utarbeide ein interkommunal plan for sjøareala i kommunane. Det er mange interesser knytt til kystsona og sjøareala. Aukande konkurranse og interessekonflikhtar kan gjere sjøareala utfordrande å forvalte. Kommunen har mynde over arealbruken i sjøområda etter plan- og bygningslova, og ansvar for å skape føreseielege rammer. Til dette treng kommunen eit godt styringsverktøy.

Interkommunal plan for sjøareal er ein plan på kommuneplannivå, jamfør kap. 9 i plan- og bygningslova (pbl). Det skal fastsettest juridisk bindande arealbruk med føresegn og retningslinjer.

Organisering av arbeidet:

Interkommunale planutvalget (IKPU)

Det interkommunale Planutvalet (IKPU) er eit politisk oppnemnd styre som skal leie planarbeidet jf. pbl § 9-2. Dei deltakande kommunane har gjennom vedtak overført mynde til å treffe vedtak om planprosessen til IKPU, jf. § pbl 9-3. IKPU har ansvaret for å legge politiske føringar for planen sitt mål og innhald. IKPU vedtar forslag til planomtale, plankart og føresegn, gjennomfører offentlig ettersyn og innstiller det endelege planforslaget til kommunestyra for vedtak.

Medlemmene i IKPU har ansvar for kommunikasjon med det politiske miljø i eigen kommune. Det er avgjerande at kommunestyra har eigarskap til planarbeidet. Kommunestyra har hausten 2020 vald følgjande medlemar:

Samansetning av interkommunalt planutval (IKPU)

Kommune	Fast medlem	Varamedlem
Alver	Malin Andvik	Anne Grete Eide
Austrheim	Per Lerøy	Inger Lise Brekke
Fedje	Stian Herøy	Bjørn Solbakk
Gulen	Hallvard Oppedal	Bjarte Undertun
Masfjorden	Karsten Totland	Torill Torsvik Størkeresen
Modalen	Kjetil Eikefet	Ann-Jorunn Farestveit
Osterøy	Lars Fjeldstad	Hjalti Heimir Gislason
Vaksdal	Hege Eide Vik	Kjartan Haugsnes

Det interkommunale planutvalet hadde konstituerande møte fredag 13.11.2020 og valde einstemmig:

- Leiar - Hallvard Oppedal (Gulen)
- Nestleiar - Lars Fjeldstad (Osterøy)

Rådmannsgruppa er styringsgruppa med ansvar for prosjektet si framdrift, ressursbruk og økonomi.

Arbeidsgruppa

Arbeidsgruppa består av ein administrativ fagperson frå kvar kommune som skal bidra i utforminga av planen. Det er rådmann i kvar einskild kommune som har oppnemnd medlem til arbeidsgruppa. Arbeidsgruppa vert leia av Kristin Nåmdal (Alver kommune).

Føremål

Planen skal være eit verktøy for langsiktig forvaltning av sjøareala i kommunane i tråd med prinsippet om berekraftig utvikling. Planen skal vere ein arealplan for sjøareala, der heilskapen blir ivaretatt over kommunegrensene. Gjennom planarbeidet skal det utviklast langsiktige rammer for berekraftig arealbruk, forvaltning og verdiskaping i sjøområda. Planen skal munne ut i ein juridisk bindande plan på kommuneplannivå.

Lokale utfordringar, problemstillingar og moglegheiter

Korleis kan vi få til god bruk av areala der omsynet til næringsinteresser og dei ikkje-kommersielle interessene vert balansert på ein berekraft måte?

Den interkommunale planen skal ha ei kunnskapsbasert tilnærming og moglege interessekonfliktar vil bli aktualisert og vurdert gjennom planprosessen.

Planformålet som kan nyttast er gitt i Plan og bygningslova § 12-5, «Bruk og vern av sjø og vassdrag med tilhøyrande strandsone». Denne planen vil gjelde for sjøareal og her har vi følgjande underformål ferdsl, farlei, fiske, akvakultur, natur- og friluftsområde. Det er desse tema vi vil ha fokus på i planarbeidet.

I Alver kommune vil den interkommunale planen for sjø vil vere ein premiss i planlegging og bruk av sjøareal i Alver kommune.

Nokre tema er nemnt for Alver særskilt i planprogrammet

- Alver kommune har utfordringar med at eksisterande verksemd som driv med havbruk ikkje får utvikle seg pga plassering i militær forbod sone. Det har vore ein lang prosess med å finne alternativt areal. Alver kommune meiner dette må vere eit tema i planarbeidet.
- Alver kommune ynskjer ein brei medverknadsprosess og at næringsliv vert involvert i planarbeidet
- Alver kommune skal rullere kommuneplanen sin arealdel i perioden. Alver vil i det planarbeidet vurdere areal på land knytt til arealbruk i sjø.
- Alver kommune ynskjer å sjå på moglegheit for djupvasskai i planarbeidet

Status

Det Interkommunale planutvalet har gjort følgjande vedtak i møte 26.02.2021 i sak 03/21:

«Det interkommunale planutvalet for sjøareal i Nordhordland vedtek at framlegg til planprogram for «Interkommunal plan for sjøareal i Nordhordland» vert lagt ut til offentleg ettersyn.

Vedtaket har heimel i plan og bygningslova §11-1 og §11-13.»

Medverknad

Det lovpålagte minste kravet ved utarbeiding av arealplanar er:

- Leggje planprogrammet og planen ut på høyring og til offentleg ettersyn
- Kunngjere planen i minst ei avis og gjere han kjent gjennom elektroniske media
- Sikre deltaking frå grupper som krev spesiell tilrettelegging, særleg barn og unge
- Vise korleis vi har vurdert og lagt vekt på innspela vi får til planframlegget

For å sikre betre involvering, deltaking og kunnskapsdeling kan vi bruke ulike metodar og verktøy. Noko kan vere best å gjere i interkommunal regi, medan anna må gjerast av den einskilde kommune. Dette er ei oppsummering av hovudaktivitetane vi har planlagt å gjennomføre i perioden 2021 - 2022:

- Digital dialog



- Webinar
- Regionale/ kommunale møte
- Opne møte / inviterte møte
- Kontordag (Kommune / interkommunalt)
- Workshop
 - Næringsliv, politisk
 - Friluftsliv
- Temamøte
- Politiske Råd og utval

Det etablert eit referansegruppe med deltakarar frå fagetatar, statleg og regionalt nivå. Det vil i planprosessen bli eit tett samarbeide med referansegruppa.

Det kan vere viktig å ta med seg at vi ber om innspel både til planprogrammet og til arealdisponering i planen ved høyring av planprogram. Frist for å kome med innspel er satt til 10.05.2021.

Hovudaktivitetar Framdrift, deltaking og aktivitetar

	Kva	
Når	2020 – Forarbeid og planprogram	
	• Kommunestyrevedtak	
	• Konstituering interkommunale planutval	
	• Arbeidsgruppa - Utarbeide framlegg til planprogram	
	• Involvering av regionale mynde – etablering av regional referansegruppe	
	2021 – Planprogram og innspel arealbruk	
Januar	Intern høyring kommunane	
	• Utkast planprogram sendt til formannskap/planutval • Gjennomgang, innspel og merknad	
Februar	Vedtak planprogram høyring	
	• Arbeidsgruppa (17.2.2021) Lagar eit samla framlegg til planprogram • Interkommunal planutval (26.2.2021) Vedtek planprogrammet og sender det på høyring og offentleg ettersyn	
Mars / Mai	Høyring og offentleg ettersyn planprogram - innspel til arealbruken	
	• Regionalt nivå - Næring - Miljø og friluftsansjonar - Regional referansegruppe - Høyringsmøte i kommunane • Kommunalt nivå - Politisk utval og råd	



	- Lag og organisasjonar - Innspel om bruken av areal - Grunneigar og private	
Mai	• Arbeidsgruppa - Bearbeiding innspel • Regionalt planforum	
Mai/Juni	Vedtak planprogram • Handsaming og vedtak IKPU	
	2021 - 2022 – Grunnlag og utarbeiding av plandokument	
Februar	Seminar med HI – IKPU, arbeidsgruppa og regional referansegruppe	
Mars/April	Næring	
Mars /april	Miljøorganisasjonar	
Fleire møte i perioden	Regional referansegruppe	
Okt ober	Regional konferanse – invitere alle interesserte – fag og interesser Samarbeid med næringslivet og organisasjonar	
	Kommunalt nivå , Lag og organisasjonar – på kommunalt nivå ,Næringsliv – kommunalt nivå	

På heimesida til prosjektet (www.regionnordhordland.no) og den einskilde kommune finn ein meir informasjon om prosjektet og høyringa.

Vedlegg planprogram for interkommunal plan for sjøareal